

Gogoratzen lehenengo egun hura? (IDAZLANA)

Ikasbiletik hartua eta IKAn moldatua

*Nola gogoratzen dugu lehenengo lan-eguna (eskola-eguna..)?
Gogoangarria izan zen?
Traumatikoa? Ahazteko modukoa? Horixe izango da sekuentzia honetako gaia.*



1- Ulermen orokorra

Normalean, denok gogoratzen dugu gure laneko, eskolako... lehen eguna. Ondoren dituzu langile batzuen oroitzapenak. Irakurri gainera eta esan pertsona bakoitzak nolako oroitzapenak izan dituen.

IDOIA

Ostirala zen, urriaren lehena. Gasteizera joan behar nuen, eta ez nuen ezagutzen. Hainbat datu eman eta nire zerbitzura eraman ninduten. Harrera ona izan bazen ere, galduta ibili nintzen: arrotza zen dena niretzat. Poliki-poliki ikasten joan nintzen eta konfiantza hartzen.

LUISMARI

20 urte nituen lanean hasi nintzenean. Orduan bukatu nituen erizain-ikasketak. Urduri samar nengoen, baina nire lehenengo laneguna lasaia izan zen eta atsegina. Pozik nengoen, ilusioz beterik. Harrera ona egin zidaten, gainera, zerbitzuko guztiek.

SANTI

Orain dela hamar bat urte hasi nintzen lanean. Dar-dar batean heldu nintzen eta, gainera, berandu. Egia esan, ez daukat oroitzapen onik. Lana oso arrotza zen niretzat, dena berria zen niretzat. Eta lankideek ere ez zidaten asko lagundu: galdetu bai: "Ezkonduta al zaude?, umerik bai?, non bizi zara?... eta horrelako galdera asko, baina lagundu, gutxi. Neka-neka eginda bukatu nuen.

MARIA

Neguko egun batean hasi nintzen lanean. Egun hura gogoratzen dudanean, konturatzen naiz ez duela zerikusi handirik gaurko errealitatearekin. Garai hartan ez zegoen idazteko makina elektrikorik ere, eskuz idazten genuen, ez genekien zer ziren ordenagailuak.

MARTA

Ez naiz gogoratzen ondo negua ala uda zen, baina bai oso urduri nengoela. Ia-ia lorik egin gabe joan nintzen lanera. Ondo pasatu nuen, baina hasieran galduta ibili nintzen: ez nuen inor ezagutzen, ez nekien nora jo zerbait behar nuenean. Zorionez, lankide bikainak zeuden nire ondoan, dena errazago izateko. Eskerrak horri!

*Osatuberrri aldizkaritik
moldatua (24.-25. zenbakiak)*

Pertsonak	Nolako oroitzapenak				
	Ez du esaten	Txarrak	Onak	Hala-holakoak	Oso onak
Luismarik					
Martak					
Santik					
Idoiak					
Mariak					

2- Ulermen xehea

Irakurri berriro oroitzapen horiek, oraingoan arreta gehiagorekin, eta osatu taula. Kasu batzuetan, aukera bat baino gehiago dira zuzenak.

	Luismari	Marta	Idoia	Santi	Maria
Ez dauka oroitzapen onik.					
Dena arraroa egin zitzaion.					
Orduko egoerak eta oraingoak ez daukate antzik.					
Ez du gogoan noiz izan zen.					
Berandu iritsi zen.					
Lankideek ez zioten asko lagundu.					
Duela hamar urte hasi zen.					
Ikasketak bukatu eta berehala aurkitu zuen lana.					



3- Esaldiak osatzen

Ondorengo esaldietan dituzu aurreko ariketetako testuetan azaldu diren izen eta aditz batuk. Osatu esaldiak, falta den hitza hutsunera mugituz.

Egin / nengoen / harrera / iritsi / pozik / oroitzapen / lorik egin
gabe / lanean / ibili / neka-neka

Neguko egun batean hasi nintzen _____
Urduri _____
Harrera ona _____ zidaten.
Galduta _____ nintzen.
Berandu _____ nintzen.
Ez daukat _____ onik.
_____ nengoen.
_____ eginda bukatu nuen.
la _____ joan nintzen.
_____ ona izan nuen.

4- Asko aldatu dira laneko kontuak

Lehenengo ariketetan, Mariak kontatu du asko aldatu dela laneko panorama. Begiratu zer esaten duen:

"Neguko egun batean hasi nintzen lanean. Egun hura gogoratzen dudanean, konturatzen naiz ez duela zerikusirik handirik gaurko errealitatearekin. Garai hartan ez zegoen idazteko makina elektrikorik ere, eskuz idazten genuen, ez genekien zer ziren ordenagailuak".

Kontatu zure inpresioa: lehendik hona, zertan aldatu da laneko egoera edo lan egiteko modua?

- Orain dena ordenagailuarekin egiten dugu, lehen ez zegoen horrelakorik.
- Lehen informazio guztia liburuetatik ateratzen genuen; orain Internetetik.
- Lehen orain baino lasaiago egiten zen lan.



ERANTZUNAK

1- Ulermen orokorra

Pertsonak	Nolako oroitzapenak				
	Ez du esaten	Txarrak	Onak	Hala-holakoak	Oso onak
Luismarik					X
Martak			X		
Santik				X	
Idoiak		X			
Mariak	X				

2- Ulermen xehea

	Luis mari	Marta	Idoia	Santi	Maria
Ez dauka oroitzapen onik.				X	
Dena arraroa egin zitzaion.			X		
Orduko egoerak eta oraingoak ez daukate antzik.					X
Ez du gogoan noiz izan zen.		X			
Berandu iritsi zen.				X	
Lankideek ez zioten asko lagundu.	X				
Duela hamar urte hasi zen.				X	
Ikasketak bukatu eta berehala aurkitu zuen lana.	X				

3- Esaldiak osatzen

Neguko egun batean hasi nintzen (lanean)

Urduri (nengoen)

Harrera ona (egin) zidaten.

Galduta (ibili) nintzen.

Berandu (iritsi) nintzen.

Ez daukat (oroitzapen) onik.

(pozik) nengoen.

(neka-neka) eginda bukatu nuen.

la (lorik egin gabe) joan nintzen.

(harrera) ona izan nuen.
